

# مکرمات و اسرار

❁ ادبی و سیاسی رساله اسبوعیه در ❁

۳۱ نجی سنه

۵ رجب ۱۳۳۰

❁ پنجشنبه ❁

جلد: ۱۴ - جزو: ۱۵۱



## مهم زمانلردن اوج فرد

ریشلیو ، قروم وول ، بسمارق

پیش عبرتمزده منسوب اولدقلری قوملرک الگ مهم افرادندن و احتمال ، که حقیقت حالده و وطنلرنده یشامش اولان افرادک الگ مهملری اولمق اوزره برادلش اوج شخص بولمخده در ، که بونلر هیاکل حدیده آسا هرج و مرج انقلاباتک فوقنده عظمتنا اولدقلری کبی ، کندی زمانلرینک فوقنده احراز مقام ایتمکلهده زمانلری تاریخنه حکمران اولمشلردر .

بو رتبه حاز اهمیت و مزیت اولان بو اوج فرد معظمی یکدیگریسه تقریب ایله مقایسهده بولمخه ناک نه قدر مشکل اولدیغی بیلیرز . زیرا یالکیز بر فردک حیات و آثارنی صورت واضحده ( اقبره قتیف ) اوله رق رسم ایده یملک حد . داننده مشکل ، حتی مستحیل اولدیغی حالده ، عین قومه منسوب اولمیان و احوال و مناسبات مختلفه داخلنده ظهور و تمارز ایدن و افعال و حرکاتی مختلف النوع تاریخی اساسلره ابتنا ایلیان اشخاص متعدده ناک آثار حیاتی تصویر و مقایسه بالطبع دها دشواردر .

مع مافیه بو اوج شخص خارق العاده بی یکدیگریله مقایسه ایله ماهیت اصلیه لری نی تحلیل و تعین ماده سی . خصوصی بر جاذبه اغفالکارانه بی حاز بولمخده در . چونکه بو اوج شخصک تأثیراتی عین ماهیتی حاز عین مقصده مصروف اولمقله برابر سافه قلبیه لری یکدیگریله ارتباط تام حالنده بولمخده اولدیغندن تشبثات واقعه لرنده کی موفقیات منسوب اولدقلری قوملرک انکشافات و رقیاتی ایجوت تمامیه یکی و بشقه اساسلر وجوده کتیره رک مقدرات ملیه اوزرینه تأثیرات کلیه حاصل ایلمشلردر .

بو سطرلر ، بر تصویر نام تاریخی اولق مزیتندن عایددرلر . چونکه بویله بر تصویر مستحیل اولسه بیله غایتله مشکدر .

تدقیقات تاریخیه عصره ، ریشلیو ، و قرقومول حقارنده بر حکم صریح و قطعی و بره بیله جک رادهه ایسهده هنوز اق بیوک ( آلمان ) ک طوغریدن طوغری به تأثیرات شخصیه سی تحتده یشامقده و هنوز آنک متروکات عرفان و اتقانی صرف ایلمکده اولدیغزدن کندی حقنده ( اؤیره قتیف ) اوله رق بر تصویر کامل وجوده کتیره بیلک بزه غیر ممکن کوریمکده در .

بوفردیت و یا شخصیتلر حقنده آزمایش نظر قییلندن تبعاتده بولنق ایسترسهک ، بوندن مقصد من هیچ اولمازسه موقع اقتدارده بولندقلری هنکامده کی احوال سیاسیه ناک افکار انام و زمانک بر قاج چیز کی ایله بر طاسلاغنی پذیرای وجود ایلمکدن عبارتدر .

فرانسه سریر حکومتده ناکهان ( رواباق ) ک خنجر اهاتی ایله افنا ایدیلان دردنجی هاری ، کنديسنک ایکنجی زوجیه سی ماریادومه دینچی دن حاصل اولان ولد صلیبی اون اوچنجی لونی بی استخلاف ایتمش ایدی .

لونی اق ائنده طقوز یاشنده بولندیقندن والده سی نأبه حکومت اولق اوزره ادارمی انه آلدی . ( آریستوقراسی ) ناک سرکار اداره حکومتده بولندینی بویله بر زمانده الک اصیل اولانلرک محضا برلکده حکمران اولق مقصدیله قرالیجهیه حلول ایتملرندن ده طبیی نه واردر ؟ موهبه فکریه به ، استعداد طبیی به مالک اولان قرالیجه شدید الطبع اولماق حسیبله تخصصات و عواطف و عطایا ابدالیله یوگا مانع اولغه یهوده چالیشدی ، بر وجهله که فرانسه ناک صوگ عصرلرله احراز ایتمش اولدینی موفقیات تدریجاًینه غائب و زائل اولدی .

بوراده صورت جدیده اوله رق بر بشقه آن و سبب دخی تداخل ایلدی . فرانسه ده دخی متعدد دهساللردن بری یکنی نظریه ایچون مجادله وقوع بولمقده و بوراده هر نه قدر ده مجادلات ظاهریه درجه سنه وارماش ایسهده هر حالده داخلی انقسام و افتراقلر و عدم منوینتیلر صورت دائمده تراید ایتمکده ایدی .

آلمانیاده دخی مسائل مذهبه کیندکجه حاد برشکله گیرمش و آوزون حر بلرک ایلک نتیجه لری حل و فصل ایدلدیکی زمان آلمانیا به قارشی نصل بر پولتیقه تعقیب ایدمک لازم گله چکی مسئله سی فرانسه ده دخی جدیت کسب ایتمش ایدی . بر قرار قطعی اتخاذ ایدلدی . فقط اصالت و رهبانیتک سرکارده بولندینی و علی الخصوص مجالس ثلاثه روحانیه مقررآتک یگدن قبولی تکلیف ایدلدیکی بر صروده اولا قاتولیک برنسینه تبعیت ایدلمش اولسی شایان حیرتمیدر ؟ .

حکومتده بسبتون کندیلرینه خاص بر موقع اخذ ایتمش اولان هوکنولره ۱ قارشی یگدن مجادله باشلادی، که بونلر ۲۰۰ موقع مستحکم ایل ۲۵۰۰ افراد مسلحه به مالک بولمقده ایدیلر . بناءً علیه قرالک پولتیقه سی بونلرک علیه دوندی . طالع حرب اول وجهله تبدل ایلدی، که بعدالمصالحه هرشی ینه حال اصلینسده قالدی . طاقت آنلرک مقاومتلرینی کسر ایتمک خصوصی دها زیاده حاز متانت بر شخصه نصیب و مقدر ایتمش .

هر نه قدر اسپانیا کندی قوتی فرانسه به قارشی تهدید آمیز بر صورتده تزیید ایتمش ایسده صورت عمومی ده اسپانیا به استنادی تحری ایتمکده اولان بو پولتیقه بویله جه دوام ایتلکده ایدی .

بر سبب غیر سیاسی ۱۶۲۴ سنه سی تبدل وکلایی ایجاب ایتمش و یکی قایینه به قاردینال آرمان ژان دوپله سسی، دوق دو ریشلیو ، پیشوف (پسقبوس) دولوسون داخل اولمش ایدی، که کنیدیسی اولجه ، دها عدم ممنونیت دورم سنده خطیب اوله رق تمایز ایتمش ایدی . مشار الیه اون اوچنجی هازی نلک صادق و پرستشکارلرندن برینک اوغلی اولوب ۱۵۸۵ سنه سی تولد ایتلش ایدی . اساساً مسلک جلیل عسکری به مخصص ایکن پک چابوق مسلک رهبانیته انتساب ایتمشدر، که بویله منورالفکر ذوات ایچون مسلک مذکور اقبال استقباله دها زیاده امید بخشا ایدی . ده ۲۲ یاشنده پسقبوس اولمش و ۳۰ یاشنده ایسه مجلس وکلایه داخل اولمشدر .

۱ [ و قتيله فرانسه ده مقام محقیده اوله رق پروتستانلره ویریلان اسدر .

هر یرده اولدیغی کبی بوراده دخی برارز صکره برنجی مرتبه‌ی احراز ایله رئیس وکلا اولدی .

ریشلیو و قتیله جهانک کورمش اولدیغی مهره سیاستیوندن بری اولمق اوزره بزه عرض اندام ایتمکده در . کندیسنگ تکمیل حیاتی ، کندی تفکرات و حسیاتی ، کندی قرارلری ، الحاصل آنک بالجله اقوال و افعالی طوغریندن طوغری به پولتیقه‌نگ تحت تأثیرنده بولمخده در ، حتی پولتیقه‌سنده بولنان تضادلر دخی حکومتک ترقیاته معطوف اولان فکرک سوق و الحاسی نتیجه‌سی اوله رق وجود بولمشدر . دقیق پولتیقه اختلافاته ، انریقهلرینه دوشمامک صوگ درجه مشکل ایدی . بو نقطه نظرندن ازمئه عتیقه — منافع مذهبی و سیاسیه‌نگ معاملات حکمداران تعین ایتمی و اکثریا بونلرک یکدیگره قارشى مبانیت شدیدده بولمخس حسیله — یک زنکین ایدی .

هابسبورغ خاندانی الک بیوک دشمن تلقی ایتدیگی تقدیرده بو ، بابایه قارشى بر مجادله دیمک ایدی . حال بوکه بابایه هابسبورغ خاندانی ظهیر اولمقده و کندیسیده هابسبورغک بالذات یسقیوسی بولمخده ایدی . کندیسى ایچون مسئله قطعیه شو ایدی : وطن ایچون ایی اولان ندر ؟ بالذات افاده ایتدیکی وجهله مشارالیه روما کلیساسنه الک ایی خادم اوله یلک ایچون حتی پولتیقه‌سی آره صره پایا علیهداری اولمق و حتی آنک ایله بر مناسبت پیدا ایتمکدن متنفّر بولمق ایله برابر هر وجهله فرانسه‌نگ قوتنه استناد ایلک لازم کله جکنه قناعت ایلکده ایدی . بوگا بناء قاتولیک طرفدارلری علیه مجادله ایتک ایچون اسومج قرانی دگزر آشیری کلیسایچون دعوت ایتمکده ، بوگا بناء مؤخرآ آنک زیاده اقتدار پیدا ایلسندن طولانی خفیاً آکا قارشى مجادله‌ده بولمخده ایدی . ایشه بو وجهله عین زمانده هوگنولرک علیه‌نده حرکت ایدر و فقط قدرت موقعه‌لری کسر ایدلکدن صکره حریت اعتقادیهلرینه تعرض ایلز ایدی ، اول وجهله ، که او دوره ماضیه‌نگ الک برنجی یگی قانونی مذاهبه صبر و تحمل ایتک ، یعنی تعرض ایتمک اساس اولدیغی وضع و اعلان ایتش ایدی .

کندیسنگ پر نجه اداره بیتیه سینگ شمعنه داخلیه سی و یا شخصینگ ممتنع .  
 التقرب اولسی و یا ایالتیانک سیاسیات خارجیه سنده اسپانیانک تفوق مکنتنه قارشی  
 خشنودسزلق اثری ، آلمانیهاده مسائل مذهبیہ ، الحاصل بالذات اسوچ قرالی ،  
 بونلرک کافسی نه اولورسه اولسون ، کندی مقصدینه خادم اولق لازم کلیوردی .  
 حیانه قارشی واقع اوله جق سوء قصدلره وقوعندن اول مقابلهده بولنقده  
 ایدی . بونقظه نظردن مناسبات خفیه بی حاز اولوب اولدیغنی کیم بیله بیلیر ؟  
 عفو ذنوبه دلالت ایدن راهبرله خفی بر اتحاد و مناسبتیه می مالک بولنیوردی ؟  
 و یا جاسوسلری وار ایدی ، بورالری کشف و تعین ممکن دکلدیر . یالکیز  
 شوراسی محققدر ، که ( ریشلیو ) کندی شخصنه و یا بولتیقه سی علیه نه تصور  
 و ترتیب ایدیلان سوء قصدلرک ، جنایتلرک کافسه نه وقت و زمانیه وقوف پیدا  
 ایدرک اکثریسی ، کندینه معلومات رسمیه کلیدیکی زمان ، اولجه نحر بر آ ترتیب  
 ایتدیرمک مهیا بولنان تعلیمات موججه عاطل بر اقدشدر . مؤرخ ( رانکه ) دیورکه :  
 « ممتنع التقرب اولان قوه حکومت مائی بر سیف مسلول دهشت کبی مخالفلرینگ  
 فوق رأسنده معلق طور مقدمه » و آندن تعامی ایتک ایستیان مخالفه دست قاهر  
 قدرتی یاپیشهرق محو ایلکنده ایدی .

ایشته ( ریشلیو ) بویله بر آدم اولق اوزه یدش نظر مزه جیقبور . و آنک  
 درایتی ، شدتی ، قطعیت قراری بزی بهت و حیرته مستغرق ایلور . فقط  
 طوغری بدن طوغری به دیگر ایکی قهرمان حقنده اظهار ایتکه مجبور اولدیغیز  
 شخصی آن لر ، شخصی مودتلر زرده قالیر ! بهوده بره فکر آ تحریرانده بولنیورز .  
 اعظمی اوله رق عین عزم و قطعیت مرامه صاحب اعتقادی ایله دهاسی . فکر  
 عظمت مداری قارشیسنده سرفرو ایلرز ، شخصی نظر تدقیق و مطالعه به آندینی  
 زمان و طنداشلری نزدنده بیله محبت شخصیه و یا یالکیز حسیات مودتکارانه بی  
 داعی اوله ماز — — — —

همان عین زمانده ، یعنی آلمانیهاده اختلافات مذهبیہ ، حرب مدید سیساله  
 بر جوق مشکلاتی موجب اولدیغنی و فرانسه ده بر ( ریشلیو ) هوکونلری تدبیر

ایتمک ایستدیکي زمانده انکلترده دخی اسکی و یگی نظریه ( اعتقاد ) آرمه سنده مجادله حکمفرما ایدی. فقط آلمانیا و فرانسه ده اولدیغندن زیاده بوراده آن مذهبیت ماده اصلیه یی تشکیل ایتمکده ایدی. که بونی قرال و پارلمان اردوسنک سلاجلری حل و فصل ایلجه جکدی. چونکه حرب سیساله انسانی جریاننده منازعه دینیله اولمق علامت میزه سنی غائب ایتمش و عاقبت قاتولیکلر طرفندن بر پروتستان قرال مجادلاتده بولنش و فرانسزلرده دخی پولتیقه آن لری تاثیرات قطعیله اجراسنه باشلامش اولدینی حالده انکلترده اکثریا مذهب طرفدارلرینک مجادله سی حکمفرما اولمشدر. بوندن طولای اخلاقاً موافق حقانیت اولوب اولمدینی، و بوندن طولای انکلتده اختلالنک - چونکه تاریخ عالمک بوکا مشابه حرکاتده اولدیغنه نسبتاً ده زیاده قوای قانونیه نك احراز سربستی، چونکه غایه الغایه بیوکلك وجود پذیر ایلدیکندن، چونکه طوعاً فداکارلق، عظمت طبع، فضائل مردانه اظهار ایلسندن طولای - مشروع عد ایدیلوب ایدیلهمیه جکی هرکسک فکر و اجتهدینه تابع بولنور.

احتمال، که حکومت سارنده اولدیغنه نسبتاً انکلترده اختلافات مذهبیله نقطه نظرندن ده زیاده بر انقسام و تشتتی داعی اوله رق لایمده شعبات وجود پذیر اولمش ایدی. واقعا تعامل قوانینی نظر اعتباره آلمق سزین دستور حرکت و تطبیق عد ایلدکاری انجیلک تدقیقاتنه حصر مساعی ایلان متفکرین احرار نقصان دکل ایدی. فقط بالخاصه سکزنجی هازینک مزیم قوی و قطعیمی سایه سنده حصوله کلان طرز سیاست، حکمدارک حاکمیتی آلتنده اولمق اوزره کلیسا قوانیننک ادامه سینه میل و اقدام ایلدیکده ایدی. هر نه قدر آلتنجی ادوارک زمان حکومتده ( قالون ) پروتستانلنی حقنده بعض قواعد اساسیه اصلاحیه وجوده کلش ایسه ده صورت عمومیه ده اوله رق مجهوت عنها اولان استقامت مختاره باقی قالمشدر. بو وجهله تکمیل سیستمک طرز سیاستک قرالک شخصی ایله صیقی بر ارتباط و مناسبتی حاز اولمی خصوصه اختلالک اسباب اصلیه سندن بری نظریله باقیله بیلیر. چونکه بر روح سربستینک بک جابوق بو طرز جامدیتیه معارض بولنمی واقع



اولور، که بوسیلمدن هر انحراف حاکمیت حکمدار ایله اختلافی ایما و اعلان ایلمش اولور. بو وجهله مسائل کنیسیاسیه، مسائل سیاسییه ایله برابر اذابه و خلط ایلمکده ایدی. حکمدارلر عزم و صرام قویسی قوه غالبه بی ید اداره سنده بولندیردینی مدتیجه اثر اختمار پک آز حس اولمقده ایدی، فقط ۱۶۲۵ سنه سی برنجی قارل تخته جلوس ایلدیکی زمان اولکنه نسبتاً شمعی دهها مشکل الاداره بر مناسباته تصادف ایتمش ایدی، که آنلر قارل دن بشقه بر ذاتک وجودینه عرض احتیاج ایتمکده ایدی.

گرچه مشارالیه شکلاً شعشه بار و اغفالکار بر منظره بی حاز اولمقله برابر حقیقتده بر شخصیت اصلیه ایدی، که بدایتده هر شیئی اصلاً بر شدت ابراز ایتمکسزین قبول ایلردی، آنک ایچون سلطنتدن الکی شیلری امید و انتظار ایتمکده بولنان ملت بدایتده کنیدیسی پک زیاده آلقیشلامقده ایدی. بونگلله برابر آنک طبیعتی، داخلاً حکمفرما اولان شدتلی خشنودسزلقلمه مقابله ایدمبیلله چک بر متاتی حاز دکل ایدی. چونکه کنیدیسی موقع متبوعیتی ادامه ایدمبیلک ایچون هر شیئی تجربه و حکمدار اعظم اوله رق یالکیز جناب حقه قارشی مسئول بولندیغنه اعتقاد ایلدیکی جهتله احوال و مناسبات مقوله بی کورمبیلله چک و وقت و زمانیه ناقابل ضبط و اداره اولان شیدن فراغت ایلمه چک وقوف و استعدادی پک آز اولدقدن بشقه فکر ذاتیسنده عناده و مع التأسف (ستورات) لک ۱) دست مشئومنه مالک بولنیوردی. بناء علیه مقصده واصل اولنه بیلله چکنه اعتماد ایدرسه نه حیلهدن ونهده نقض عهد ایلمکدن توحش ایدر وعین وجهله دولترلر ایله سیاسیات خارجیه سنی تبدیل ایلردی.

قرال، داخلاً یاپادن مستقل اولان کلیسیایه استناد ایتمکده ایدی، که آخ قدرت حکمدارانهمسنگ اساسی نظر یله باقده ایدی. ایشته کنیدیسنک الکی بیوک ۱) انکلتزه سلالة حکمدارانده آلتنجی شعبه بی تشکیل ایدن خاندانک عنوانیدر. برنجی ژاندن (۱۶۰۲) ایکنجی ژاقه (۱۶۸۹) زم قدر پابرجا ایدی. للجامع



قصور لرندن بری ، قواعد اساسیه سی حسیات ملته بسبتون مغایر اولان کلیسایه یو کله یی سویله مسیدر .

اسبابی بوندن نشأت ایدن ضدیت و اختلاف اڭ اؤل فرق اعتبارنده و قراله قارشى پارلمانده موجودینی احساس ایلشدیر . که ملتک حسیات دینییه سنی جریحه دار ایدمک اولان و سأنطه مراجعت ایتک و پرستش درجه سنده بر محبتک آیین تقدیسندم قربانی کبی اولان و اسکی نظریه نلک متزاید اندیشه تهدیداتی ایله قرالی رفع نگاه ایلان ملتی کندیسنک خلعتی تحریک ایتک کفایت ایلشدی .

ایلك خروش و غلبان ، حقوقه متعلق معلوم اولان ، عرضحالدر ، که قرال اؤل امرده قبول و تصویب ایلدی . انکلتزه کمال شوق و مسرتله بو اشتلافی آلقیشلامقده و جانلر قرال ایله پارلمان آرمسندم حصوله گلان مسالمت جدیدینی اعلان ایلکده ایدی .

یالکیز بو اشتلاف ظاهری ایدی و آز بر زمان صکرم اختلافات قدیمه شدت کامله سی ایله ینه کندینی کوستردی .

بونلری تعاقب ایدن بالمله آنلری بیان ایتک و بونلردن هانگیلرینک قرال ایله پارلمان آرمسندم کی آجیققلغک ، کرکینلگک کیتدکجه ترایدینه سبب اولدیغی ارابه قالقیشیق پک اوزون اولور . پارلمان طاعیدلدی ، ینه طویلانلدی ، پارلمانسر اجرای حکومت ایلدی ، فقط بونلره رغماً اوپله بر اغتشاشه طوغری گیدلمکده ایدی ، که آنجق سلاح ایله حل اولنه بیله جگنه اعتماد حاصل اولشدی . چونکه رأس کارده بر ذات بولمقده ایدی ، که زمانه طوغری بر نظر عطف ایتک و زمانک مطلوباتی وجود پذیر ایله یلک ایچون بالذات قابلیت فکریه مالک دکل ایدی و بر مستشار صادق اولمق اوزره نزدندم بر کیسه موجود دکل ایدی . بوراجقده شو خصوصی تصدیق ایتک خاصه مهمدر . مؤخرأ بو نقطه عودت ایدمکجهز .

۱۶۴۰ سنه نلک اوزون پارلمانلرنده انکلتزه تاریخنده پک بیوک فرداقلر

چوپرمک اولان بر آدم یقیناً کندینی کوسترمکه باشلادی : اولیویه قروم ول .

قرومومول ۱۵۹۹ سنه سی اون چوجغك بشنجیسی اوله رق تولد ایلشدر، که اوزمان پردی روبرت قرومومول (هوتینکتون) ده برخانه ده اقامت ایتمکده ایدی . اوراده کندی اراضیسنی ایشتمکله برابر برده بیرا خانه آچمش ایدی . عالیه سی اسکی انکلیز اصلاته منسوب اولمقله برابر ۱۴ نجی عصرده بو نامده یاشامش اولان لوردایله بر مناسبت و قرابتی حاز دگل ایدی . بو آدم حقنده دخی امساك ایدلیان نفرت و خصومت تیجه سی اوله رق مع التأسف نفسی حقنده خطا آلود معلوماتك انتشارینی داعی اولمشدر، که شایعات مذکورده نظر آقار و سفاهته مبتلا بولمشدر . بو ساخته حوادثی اشاعه ایدنلری بالطبع کنیدیسنی محرک عصبیان و قرال قاتلی عد ایدنلر آرمه سنده تحری ایتمک لازم گلیر .

مسقط رأسده شایان احترام بررتستان پایاسی طرفندن تربیه ایدیلان بو آدمده اول امرده حقیقی برخرستیانلق مشهود اولمقده در، که انجیل کنیدیسنك حیاتی ایچون دستور حرکت اتخاذ ایدلمش و بی نهایت مجادلات نفسیه دن صکره خالص و حقیقی برخرستیانلغه اعتقاد ایلشدر . کرک شمعی ده قدر محفوظ قالمش اولان متعدد مکتوبلرندن کرک کذران سنین ایله موققیاتی تصویر ایدن محرراتندن واضحاً استدلال اولمقده در که مشار الیه کنیدیسنی افکار عامه دن ویا افکار بشریه دن بشقه برینه قارشى مسئول حس ایتمکده و کنیدیسنك فوقنده اعتقاد ایستیکی بر ذاته خدمتله مکلف بیلکده ایدی . فقط مجادلات نفسیه دن نادرا الامثال برکال داخلی وجود پذیر اولمشدر . بنابرین کنیدیسی ، یالکیز صورت ظاهرده ویا قلباً متأثر و رقیاب اولدینی زمان عبادت دینیه ده بولنان ویا سکونت عبادتی تحری ایلان بر آدمك يك زیاده فوقنده بولمقده ایدی .

بوندن طولاییدر، که قرالك تعقیب ایستیکی افکاره قارشى يك شدتلی مخالفتده بولمغه و حرارتلی غیرت و فعالیت و بصره ده کی تحسینات و تمجیاتی تیجه سی اوله رق فکر تعرضیسی حس اولمغه باشلادی .

مع مافیه معاملاتك بر قسمی ودها طوغریسی افعالك هیئت مجموعه سی کنیدیسنك درین خرستیانلغی ایله غریب بر تضاد تشکیل ایتمکده ایدی . افعال

و معاملاتك معنويات نقطه نظرندن نه قدر صواب ، قانون الهی به نظر آ نه درجه موافق حقانیت اولدینی حقنده ، بالاده ایما ایلدیکی اوزره فکر لر یك مختلف ایدی . [ دروکه دا ] نك ضبطندن صکره ۲۰۰۰ کشینک کنسینک امر مخصوصی ایله اعدام ایلدیکندن طولانی عندالهیده حقی می ایدی . برنجی (قارل) ک سر مقطوعی سقوط ایلدیکی زمان جناب خالقه اولان مربوطیتنده دشم می ایدی ، الحاصل ارثی اولان خاندان حکمداری به قارشی مجادله دن نشأت ایدن تکمیل افعال حیاتیه سی ارادات سبحانیه به موافقمی ایدی . بونلر اویله سؤاللردر ، که بو شدید العزم آدمک شخصیت منوره و مشعشه سنه یك کشف و کثیر ظلمتلر صاچار .

( مابعدی وار )

